

DANAE, Apol: ad Iac. Andr: pag. 1463.

Haec igitur fuit octava ratio mea. Hic olim fuit Nestorii error, ut Christum qua homo est, una cum verbo doceret adorandum. Ergo Nestorianus est qui idem docet et urget. Patres orthodoxi omnes docent nostram invocationem et adorationem non in ipsam carnem Christi, etiam in hypostasi filii Dei manentem, dirigendam esse, sed in ipsam Filii Deitatem. Ergo Patribus orthodoxis, et piaeruditaeque Vetustati ac Ecclesiae contradicit, qui vult et sentit et dicit, cum Christus adoratur aut invocatur, ipsam Christi carnem et quoque, huiusmodi adorationis et invocationis obiectum. Athanas: dialog. 5 contra Arianos. August: in Joh. 58. Cyrillus de recta fide ad Theodos: Damascenus l. 3 orthodoxae fidei cap: 8 ut alios nunc omittam.

PISCATOR. In Mathae: Cap: 2. Ex v 11. pag. 49.

Exemplo magorum debemus et ipsi Christum adorare, idque non solum civiliter ut hominem sicut illi videntur adorasse, sed etiam religiose ut Deum. Talis adorationis exempla vide in Petro Luc: 5. v. 8 in illo caeco nato Joh: 9. v. 38 in Stephano Actor. 7. in fine cavendus<sup>1)</sup> autem error Ubiquitariorum qui volunt religiose adorari ipsam carnem Christi, quo fit ut confundant proprietates naturarum in Christo. Etenim adoratio proprie debetur naturae divinae, iuxta illud: Jehovam Deum tuum adorabis et ipsi soli servies.

Idem in 4 Cap: Math: Ex v: 10. pag. 93.

Quum solus Deus adorandus sit; falsum igitur docent qui tradunt, adorandam esse carnem Christi; quippe cum certum sit, carnem Christi non esse Deum, licet sit caro Dei, nempe Filii Dei, personaliter ei unita. At personalis unio divinae et humanae naturae in Christo, non tollit aut confundit earum proprietates, sed salvas relinquit. Est autem adorabilitas, non minus proprietas Deitatis, quam omniscientia, omnipotentia, omnipraesentia, aeternitas. Adorandus est igitur Deus manifestatus in carne, sed caro eius adoranda non est. sicut civiliter adoratur Rex in capite gerens coronam vel diadema, sceptrumve manu tenens, ac interim nec corona vel diadema, nec sceptrum adoratur.

MARTYR. Loc: Com: Class: secunda Cap: 17. parag: 7 pag. 4. 414.

Dicunt etiam iuxta nostram sententiam, Christum non esse adorandum, nisi dimidiatum, si manifeste constat, nullam creaturam adorandam esse. Nam si Christus corpus ex virgine habuit, indubitato fuerit creatum: quare adorari iure non poterit. Caeterum ad hoc iam diximus, nequaquam cum Nestorio diducendas esse Christi naturas, unitas personae spectari debet, totusque Christus a nobis adoratur, id est, ea persona divina, quae ubicunque sit vel adoretur, coniunctam habet humanitatem, quae a natura divelli minime potest. Verum adorationis ratio exploretur, ea non ab humanitate, verum a divinitate petenda est.

<sup>1)</sup> In libro lezen we „cavendus.” In het manuscript lezen we foutief: „vendus.”